

მისია

შექმნას კეთილგანწყობილი ურთიერთპატივისცემისა და ურთიერთსიყვარულის მომცველი გარემო პირობები, ეროვნული სასწავლო გეგმით გათვალისწინებული ცოდნითა და უნარებით აღჭურვილი მომავალი თაობის აღზრდისათვის, რომელსაც შეეძლება თავისი ქვეყნის ინტერესების ტრადიციებისა და მომავლის წინაშე საკუთარი მოქალაქეობრივი პასუხისმგებლობის გააზრება.

ხელი შეუწყოს რეფორმის მოთხოვნების დანერგვას სწავლა-სწავლების ხარისხის განვითარებისთვის.

დაწყებითი საფეხურის მისია

ა) საგანთა თანმიმდევრული სწავლა - სწავლების გზით მოსწავლის გონებრივი, ფიზიკური, ემოციური და სოციალური განვითარების ხელშეწყობა.

ბ) საბაზისო უნარების - წიგნიერებისა და რაოდენობრივი წიგნიერების განვითარების ხელშეწყობა

გ) სასკოლო გარემოსა და სწავლის მიმართ დადებითი დამოკიდებულებების ჩამოყალიბება, ცნობისმოყვარეობის ცოდნისმოყვარეობაში გადაზრდა და მოსწავლის მომზადება საბაზო საფეხურისათვის

საბაზო საფეხურის მისია

საბაზო საფეხურის მისიაა საგანთა სწავლა - სწავლების საფუძველზე მყარი, დინამიკური და ფუნქციური ცოდნის კონსტრუირება, მოსწავლის ინტერესებისა და მიდრეკილებების გამოვლენა, მოსწავლის დამოუკიდებელი სწავლის უნარისა და შრომის უნარიანობის განვითარება, აქტიური, სამშობლოს ერთგული მოქალაქის ფორმირების ხელშეწყობა და საფუძველების შექმნა განათლების მომდევნო საფეხურზე სწავლის გაგრძელებისათვის.

საშუალო საფეხურის მისია

ა) საგანთა გაღრმავებული სწავლების გზით სისტემური ცოდნის კონსტრუირება

ბ) მოაზროვნე, მაძიებელი, ახლის შემოქმედი, წიგნიერი, ინფორმირებული და პასუხისმგებლობის გრძნობის მქონე, თავისი სამშობლოს მოყვარე მოქალაქის ჩამოყალიბება, რომელსაც შეუძლია გადაწყვეტილებების დამოუკიდებლად მიღება, საკუთარი მიღწევების გამოყენება ახალი მატერიალური, ინტელექტუალური და მაღალ ზნეობრივი, ტრადიციული და სულიერი ღირებულებების შესაქმნელად.